

《中國地方志薈萃》編委會 編

中國地方志薈萃

西南卷·第一輯 崇



九州出版社

全國百佳圖書出版單位

中國地方志薈萃

西南卷·第一輯

柒

《中國地方志薈萃》編委會編



九州出版社
JIUZHOU PRESS

全國百佳圖書出版單位

《中國地方志薈萃》編委會

主任委員：

邵理家

李雲江

劉慧

劉潔萍

委員：（排名不分先后）

邵理家

李雲江

劉慧

劉潔萍

薛飛

張昞

安曉東

徐桂霞

潘復泰

曾磊

總

目

錄

第一冊

嘉慶成都縣志

嘉慶雙流縣志

同治新繁縣志（一）

第二冊

同治新繁縣志（二）

嘉慶溫江縣志

同治大邑縣志

第三冊

嘉慶彭縣志

嘉慶華陽縣志（一）

第四冊

嘉慶華陽縣志（二）

同治巴縣志

第五冊

嘉慶新都縣志

道光新都縣志

第六冊

嘉慶什邡縣志

同治續增什邡縣志

道光德陽縣新志

第七冊

同治德陽縣志

第八冊

乾隆灌縣志

光緒增修灌縣志

三四二

一

二二五

一

三五〇

四七六

一

一

一八〇

總

目

錄

第九冊

雍正江油縣志

道光江油縣志

雍正劍州志

第十冊

同治仁壽縣志

一

三二五

五一七

一

同治德陽縣志

出版說明

同治德陽縣志

(清) 何慶恩等修

劉宸楓

田正訓纂

本書四十四卷首一卷，據清同治十三年（一八七四）刻本影印。該書間有漶漫不清處，諸館藏本皆同，無法補配。

新修德陽縣志序

昔康對山之志武功也世稱其簡括精當如太史公又韓五泉之志朝邑其用筆也髣髴武功爾來二百餘年光燄猶在雖累經修益而舊志特傳是學識文章二者不可偏廢也我

朝

幅隕之濶亘古莫及郡邑有專志直省有

德陽縣志

序

一

通志凡沿革典禮人物風俗之屬固有闕遺大乎備矣蜀之成都沃野千里益州記謂之陸海稼穡豐齊人文萃煥余自道光間隨侍家大人自浙東遊名山大川固饒奇勝平疇廣野僅此一隅三十年間每欲得觀列邑志乘藉悉古今人物之概夙塵鞅堂有願未償同治戊辰盱眙

吳公奉

命

制蜀撫綏之暇旁及經史復念頻年兵燹恐

忠孝節烈湮沒不傳遽賢採訪備修通志於是郡邑紛然輒輯德陽在省北百四十里舊隸成都雍正七年改屬綿州城郭市廛皆在陸海之中田里縱橫民生蕃庶聞修邑志者經年邑宿劉君漁江田君伊言

德陽縣志

序

二

盡心綜纂劉君高年始終經理必既麗且詳矣甲戌秋來權是篆快逢盛舉亟取藁而讀焉斯志也始輯自康熙邑令別君楣繼修於乾隆闕君昌言周君際虞再修於嘉慶吳君經世道光雙君顯忠今復統舊志而擴參之前賢孝烈益彰後啟人材彌盛豈非既麗且詳也哉然後知武功朝邑

志乃古之志非今之志也詳則備簡則略
是從其備而無其略益見學識文章二者
不可偏廢洵足傳矣茲當年偕邦人士擬
付剞劂請序於余余以初蒞是邑梗概未
諳固辭弗獲爰述己意如此實無補於斯
志聊識鴻泥云爾知德陽縣事錢塘李蓮
生序

德陽縣志

序

三

同治十三年嘉平月

穀旦

擬修德縣志序

同治十年辛未初春權德陽縣篆育刺史
廷燮視事月餘卒於官上臺憐其辦公竭
蹶虧帑項頗鉅檄度思承其乏入置遐矚
煥乎歸然憐峙虬松古柏間而與日月常
新者東漢姜孝子仕遊祠堂也豐碑矗立
俯綿陽而枕鹿頭者蜀漢秦火司農子勅
故宅也芳躅依然流風未墜不禁低徊繫
之既下車接見紳耆大都樸茂篤實崇尚
根本而一二向學之士潛心掌故思欲徵
文考獻隱寄其推挽澆漓之權相率以續
修邑志請顧念振靡扶頽守土之責也搜
殘拾遺學士之任也

國家運翊中興昇平再享比來封疆大吏

德陽縣志

序

一

以續修通志入 告者莫不欽奉
俞旨良以

重熙累洽垂三百年煌煌乎禮明樂備軍興而後典籍半付荒煙雖方域規制老師宿儒能稱道之而忠節義烈之不肯受轉移於宛頑者何可不及時表彰以維乾坤正氣而昭

德陽縣志

序

二

列聖漸摩之深思小儒拘墟動引武功志相高尚史乘中不僅有一武功志著作家不必有兩康對山志亦猶文也文章之妙行乎其所得不行止乎其所不得不止傍人門戶矜言簡括徒貽固陋譏耳爰題其請而進勉之以劉君宸楓田君正訓兩明經總其成選才分任搜羅剔抉惟其實惟其

是越明年壬申春規模麤具而余瓜期適屆郵亭握別互以歲事相期又明年癸酉再蒞漢昌任仲冬既望奉文縣試邀賢契田孝廉鴻鵬遠來勸校詢及志事以垂成對未幾而德之紳耆果羣然函致謂邑志告成曩藉一諾獲謀始且索弁言余惟余固廉泉讓水間吏也曩之蒞德陽豈繫惟是為他人効補苴抑亦天假之緣躬歷姜孝子秦司農故里獲與邦人士之敦本績學者相遊息更獲與劉田諸君子同證徵文考獻之胸襟亦鴻爪雪泥一大快事因述纂修顛末附及之作史三長揚托標榜所未遑也孝廉其以此質諸劉田諸君子即以此慰珂鄉紳耆耆之望何如

德陽縣志

序

三

桂林何慶思甫誤

同治十三年正月

吉旦

德陽縣志

四

德陽縣志 道光十七年

宗稷辰

古圖表侯撰縣志十二卷以寄稷辰一再讀之服其仕之優而業之精也攷自兩漢迄唐其間置址代更加以僑設寄治斯邑名稱半多湮沒其號德陽至于今不變者自有唐始若肯此為長陽則陰平曹嬰互見歧出他說為旌陽則南郡寧州傳聞異詞要皆不厭溯千載以上確狀定其遠城炎邑名勝之最古而可據者以姜士游泉秦子救墓為尚侯既已一一表章之而教養大政尤深致意觀其城鄉義學十有餘所弦歌相聞而邑之治象可知也夫當士游子救生

德陽縣志

卷四

原序

一

于茲土亦猶夫人耳惟能盡其性為孝子充其學為名儒乃使曠衍廣漠之埜因人以傳今侯久任其地士與民被其教養之澤者甚深詎知士游子救之風不見於今之善俗乎抑更有鍾奇毓靈出乎其上者乎侯移射洪時志初就未幾又遷任民方大懼冀所施有加乎此志者乃遽聞以他事去余深為惠陽人惜之幸新尹為李公子石民亦稷辰所心交一賢去而一賢來更為惠陽人慰也余方為史館校勘修一統志至四川尋江涪之源裔瞻之服而又得此志以資考證寤寐聞若惟蜀中山川道里與為周旋焉爰書此以答裴侯且

以寄李侯云

德陽縣志

卷首

原序

二

德陽新志序

道光十七年

左副都御史 天門州人 蔣祥墀

九州之志謂之九邱邱聚也謂土地所生風氣所宜皆聚於此書也說本孔安國尚書序劉知幾稱史氏流曰郡書曰郡邑簿曰地理書後世郡邑志仿此我

朝開國史館初修一統志飭下禮部徵天下省志及郡邑志彙送史館以資採擇體至重也昔余膺館職充史館提調兼總纂得以備觀各省郡邑志四川德陽縣志為吾邑別君相所創始君以康熙九年進士二十五年任德陽令甫三年即去任其時地廣民稀典籍微如搜采為難又迫於時日其敘述

德陽縣志

卷首

序

不能賅備宜也乾隆九年吾鄉安睦閣君昌育重脩之二十七年豐潤周君際虞續脩之皆滋鵬別本併載原序於簡端有曰紀孝子則如姜王辛張傳烈女則如張趙周安人倫品概與他郡邑大相逕庭真得脩志之大要今之存史館者是也嘉慶十七年錢塘吳君經世以復脩一統志奉文重輯蓋距今二十餘年矣古閩裴淡如明府復加脩纂名曰新志裴君之幸德陽惠民愛士素著循聲凡所以裨益夫土地維持夫風氣者靡不釐然具舉如垣垣考棚演武廳三造亭節孝總坊及脩祭祀禮樂器購置書籍皆關地方要務因思有所

紀載以爲後人續補之資併舊志之當補脩與前任之宜續載者均不可積久而歸諸漸滅也於是有新志之作焉其分門甚簡其彙舉甚詳其考證甚精其收錄寬而不濫較之舊志誠煥然一新矣抑吾思之天地有日新之化機人事有維新之運會舊者新之基也新者舊之漸也後之視今亦猶今之視昔德陽爲蜀之名區爲宰者留心政典接續而脩明之俾土地益見蕃昌風氣益增淳厚則謂此志之以新補舊也可卽謂以新啓新也可

德陽縣志

卷首

序

二

德陽縣新志叙

道光十六年

邑令 裴顯忠

德陽志何爲而云新也以有舊志故別而新之也有舊則何必復爲新也舊志成於嘉慶之壬申距今二十有五年矣其間興廢變遷月異而歲不同不漸增之必將泯焉嘗爲是思故新之也人生閱歷之端亦實繁矣有默識而弗諉者有易境而輒忘者居今日而溯昨日歷歷如目前也居今年而思去年則茫茫若有失焉何者人智限之也此在一身一家且然况鄉邑之殊類異情哉嘗試追惟往事五年者許十年者畧二十年外存者不過二三亡者已七八矣非大有切於已

德陽縣志

卷首

叙

安在其能長相憶耶志也者紀一邑之往蹟也政典之要風土之閑靡不於是統之彼忠臣義士孝子悌弟貞夫節婦之倫旌諸綽楔表於瑣珉尙矣猶有剝蝕焉其潛德幽光伏乎流俗暗間所及更僕難數不有紀之誰暇爲之闡揚卽凡建置脩補之屬亦嘗歲有損益不有紀之誰暇爲之傳述因循怠玩勢將漸滅於風雨晦明之下後之人文獻無徵其孰從而知之雖賢者識大不賢識小然舉端而棄末好怪而厭常求十一於千百仍未必其怙然也矧識之者之果有人焉不耶夫德陽故蜀苴之孔道漢置縣竹亦當沿雒之衝唐宋而

遷乃設今縣最爾小邑南通滇黔北達燕豫秦隴區
都之要隘西川之奧區也其厚衍沃其山峻陀士秀民醇風
清俗美豈非美士游秦子敷諸賢之流風遺韻猶有存焉者
乎自蒞茲邑已六年矣幸生

虞廷喜起之朝復值禹甸離熙之會時和年豐昆蟲罔澤庶政
之餘廢者漸舉脩殘補陞亦既可一二爲都人士語矣爰讀
舊志每慨然於壬申以來事尙闕如而數年中身之所親足
之所履耳目之所見聞亦往往有觸諸懷而足紀述者又若
未可盡作雲煙過眼觀也因於半日靜坐齋中刪繁訂誤類

德陽縣志

卷首

叙

二

聚羣分以類以補不相沿襲彙爲一書謂之新志蓋欲與舊
志並行各從所好而已柰草創未幾適有改調射洪之役思
慮點蠹卽付剗剗汎覽流觀未暇藉材於書史是則淡有所
大歎於懷焉耳

續纂德陽縣志序 嘉慶二十年

邑令 吳繼世

德陽古廣漢縣雜二縣舊址也

國朝屬成都郡雍正五年改隸綿州地不附郭而列縣屬五縣
之首乾隆乙卯余以一介儒生策蹇入蜀歷秦關劍閣而至
茲土見平川百里中繡壤交錯頓覺眼界一開徘徊久之不
能去越一歲川北教匪不靖余橐筆從戎磨盾枕戈者八載
率大帥保薦由嘉州乘車擢授斯邑丁卯夏蒞任回憶當日
長途僕僕攢轡流連已十二年於茲矣且喜且媿政暇索邑
志初則缺如文獻無考康熙三十四年前令別君相草創之
德陽縣志 卷首 序 一

乾隆九年關公昌言繼起而成之迄今七十餘載其間政教
之得失禮樂之沿革俗尙之好醜土物之良莠與夫忠孝廉
節之歷久彌增者又於此改觀焉余蒞此前後九年其中去
來者三次每欲就所聞見考辯而增訂之而宦轡靡寧有志
未逮歲壬申

制府常公請於

朝纂輯四川通志徵各郡縣舊乘定其體例別其門類使共知
表彰人物紀載山川博采旁搜以志

盛世同文之美余也承乏是邑願以爲不急耶爰進邑中耆

舊相與諮諏採訪考訂搜羅舊志之所缺畧者之舊志之所傳訛者正之有矣必彰有善必錄凡七十年之典章文物佚事舊聞有關於人心風俗者悉類聚而詳載焉以資於治書成呈於大吏閱二載邑士請付梓人屬余記之余媿非良吏不能有所建白亦惟本平生之素志述一隅之見聞脩上官之采輯庶無忝於有司之職云爾若夫貫穿經傳馳騁古今仿櫟杙之文存春秋之義固有俟夫後之君子

重修縣志叙 嘉慶廿七年

邑人 鄒大訓

訓德陽寒士也叩鄉薦後連蹶春官偃蹇潦倒年垂六十始以需次得一官浮沉宦海又二十年及解組還鄉如習鑿齒重到襄陽劉子訓再來東甯當時舊雨皆已化為異物邑里人士踵門來見者率不相省識問之多昔日之竹馬兒童及故人之子若孫也而吾鄉中人物文章民風土俗亦未知今之視昔竟為何如壬申歲適大府

奏請纂修四川通志飭行郡縣分門造冊實呈以備採取邑明府秋樵吳公命邑紳設局編輯訓以老朽樗材因得勤事其

間凡所編次悉為校閱其數十年以前事如理兒時舊書依稀記憶其近數十年以來事則如坐三生石上頓悟前生然小客歸來復得觀吾鄉文獻之遺亦一快事也是年冬志册既成如式申實省局即留底稿以為本縣志乘粉本時以經費不足未及付剞劂門人馬僎等屬訓為文以序之訓慨然曰訓老矣得列名於志乘是附青雲之士而施於後世也子之愛我良厚矣然而預為索序是慮訓或不及見縣志之成也此言最為沈痛爰不慚將落即以自序者序之他日縣志有成請以綴於諸君子之後

德陽縣舊志重修序

乾隆二十七年

邑令 周際虞

德陽舊有志乎曰有有則何取乎續余應之曰余非侈窮按博採補前人所闕遺也亦非徒東塗西抹見美贖而竊效之也夫志之爲書諸體悉備凡天地之分野山川之開隘暨其地之忠臣孝子義夫節婦仕宦流寓仙釋隱逸以迄詩賦文藝下逮風俗土產罔不載焉然是是是者前人記之詳矣余復何贅或曰如所云云吾聞之矣若舍是數者而謂之志其於義也何居余曰唯唯否否不然余所謂志者記也所以紀事也念余以北直儒生備官斯土凡興利除弊墜舉廢修均德陽縣志

卷首

舊志序

二

德陽縣舊志序

乾隆九年

邑令 關昌言

邑志古郡國史也士大夫官車莅止必購搜志乘豈徒佐考訂計哉蓋以讀志則知山川之險易當思何以平之風俗之貞淫當思何以變之政治之得失當思何以更之物產之肥瘠當思何以培之是以輶軒採訪弗遑也德陽係巴蜀上游密邇省會舊屬仙吏之區緬雙鯉之遺徽孝思勃勃讀五忠之舊傳英烈煌煌此中大有可紀哉乃竟志乘未修無以彪炳來藁君子每劣其政之缺也緣求故府文獻惜其綫焉欲絕及問老成耆德又慨渺矣難追總由獻賊兵燹故耳今值我

德陽縣志

卷首

舊志序

一

國朝重熙累洽文教日新

勅命各省纂修省志

上憲檄採下縣適前令王君理寬得前令別公櫛舊輯抄本一束上之惜畧而弗詳耳乙卯歲川省通志告成而旌邑志仍缺焉未修也余於庚申春來莅旌邑問採邑志荒缺無徵謬思訂輯奈簿書旁午碌碌未暇延及壬戌癸亥時和年豐獄訟簡少爰藉退食少暇購覽益州通載及隣封舊志細加檢閱實經精復命邑中諸

生老成通典故者問山尋水刮苔洗碑訪先哲於墳野
石碣覓古蹟於窮鄉斷簡互細咸收今古共錄各闡潛
德幽光以備編輯公餘細加考訂凡兩越寒暑而稿成
爰授之剞劂而志初竣矣不佞臆技非長豹窺寡識例
當敘諸巔末弁遺首簡以俟後名賢之廓所未逮也

王者坐明堂而揖瑞合萬國之版圖而貢之天子凡列
國之疆域風俗之異同材產之美麗人物之俊偉悉於
史冊見之國朝以來貢賦也實於此彰政教焉蜀川險
遠僻處天末寇亂之餘沃野芳區變而鞠爲茂草矣我
聖王朝開復剪除羣盜勞征討者十有六年而全川始定薄海
內外堯封禹甸之未屆者悉稽首來歸今

上御極之二十有三年

宸慮巡狩之典久湮特駕六龍至魯郊謁孔廟登泰嶽泛舟

江南翠華所至沛澤溥焉爰徵率土之圖書以大一統
之規模甚盛典也維茲巴蜀兵燹彫殘典籍之藏燼於
劫火藝材之士斃於兵克文獻無徵謹詢之家寥父老
拾殘碑斷碣而載之耳適遭德陽令缺予奉節度命攝
厥邑篆蓬蒿滿目四野坵墟荒涼之狀倍於他邑所可
幸者風俗之淳亦倍於他邑紀孝子則如姜如王如辛
如張如傅紀烈女則如張如趙如閻如安如潘如杜胞
胞純誠煌煌嘉烈炳若日星膾炙人口論戶口之繁庶
土地之膏腴科第之絡繹固不克比肩如各屬若較人